

Samkaup hf.  
Krossmóa 4  
260 Reykjanesbæ

Reykjavík, 24. febrúar 2020  
UST202002-238/E.O.  
07.05.02

### Eftirlit í kjölfar ábendinga um vanmerktar efnavörur í Nettó.

Umhverfisstofnun bærust ábendingar um að efnavörur sem eru í sölu í Nettó Granda uppfylli ekki kröfur efnalaga nr. 61/2013 varðandi merkingu varanna.

Um er að ræða eftirfarandi vörur sem Samkaup hf. er ábyrgt fyrir markaðssetningu á:

Vara	Strikamerki
Ariel A+ Traditional	8 433495 811367
Lenor Mystery Parfum Deluxe Weichspüler	8 001090 924384
Lenor Kiss Parfum Deluxe Weichspüler	8 001209 924414
Lenor Charm Parfum Deluxe Weichspüler	8 001090 924353

Eftirlit í versluninni leiddi í ljós að varan *Ariel A+ Traditional* uppfyllir ekki skilyrði efnalaga nr. 61/2013, reglugerðar nr. 415/2014 um flokkun, merkingu og umbúðir efna og efnablandna, sem innleiðir reglugerð (EB) nr. 1272/2008 sama efnis og að vörurnar *Lenor Mystery/Kiss/Charm Parfum Deluxe Weichspüler* uppfylla ekki skilyrði reglugerðar nr. 300/2014 um þvotta- og hreinsiefni.

Um kröfur til merkinga og þau frávík frá tédum kröfum sem eftirlitið leiddi í ljós vísast til meðfylgjandi eftirlitsskýrsla.

Umhverfisstofnun veitir Samkaup hf. frest til 17. mars 2020 til að senda stofnuninni:

- Afrit af merkimiða fyrir vöruna *Ariel A+ Traditional* sem er uppfærður skv. reglugerð nr. 415/2014 á þann hátt að merkingarnar standist kröfur reglugerðar (EB) nr. 1272/2008 og efnalaga nr. 61/2013.
- Afrit af merkimiðum fyrir *Lenor Mystery/Kiss/Charm Parfum Deluxe Weichspüler* sem standast tungumálakröfu reglugerðar nr. 300/2014 í samræmi við skilyrði reglugerðar (EB) nr. 648/2004. Farið er fram á að vöruheitum og innihaldsupplýsingum verði bætt við á íslensku, ensku eða Norðurlandamáli öðru en finnsku í samræmi við reglugerðina.

Úrbætur skulu sendar Umhverfisstofnun merktar málsnúmerinu UST202002-238. Rafræn skjöl sendist á [ust@ust.is](mailto:ust@ust.is).

Jafnframt er gerð krafa um að vörur á sölustöðum verði endurmerktar með réttri merkingu þegar hún liggur fyrir og hefur verið staðfest af Umhverfisstofnun.

Umhverfisstofnun veitir Samkaup hf. hér með frest til 17. mars nk. til þess að koma sjónarmiðum sínum á framfæri, sbr. 13. gr. stjórnisýslulaga nr. 37/1993.

Vakin er athygli á því að í samræmi við 5. mgr. 49. gr. efnalaga mun Umhverfisstofnun birta á vefsetri sínu upplýsingar um niðurstöður eftirlits og til hvaða úrræða stofnunin hefur gripið jafnóðum og ákvarðanir um slíkt liggja fyrir. Bréf þetta og meðfylgjandi eftirlitsskýrslur verða birt á vefsetri stofnunarinnar 3. mars nk. Telji fyrirtækið að efni í bréfinu eða eftirlitsskýrslunum varði hagsmuni sem njóta eigi leyndar skal fyrirtækið tilkynna um það til Umhverfisstofnunar og rökstyðja ástæður þess að efni skýrslunnar ætti að njóta leyndar fyrir 3. mars nk.

Umhverfisstofnun vekur athygli á því að þótt aðeins séu gerðar kröfur varðandi þessar tilteknu vörur gæti verið þörf á úrbótum varðandi fleiri vörur hjá fyrirtækinu til að þær standist kröfur efnalaga eða reglugerða settra á grundvelli þeirra.

Umhverfisstofnun vekur einnig athygli á því að samkvæmt XIII. kafla efnalaga er stofnuninni heimilt að beita þvingunarúrræðum til að knýja á um framkvæmd ráðstöfunar samkvæmt lögnum, til að mynda með áminningu sbr. 55. gr., álagningu dagsekta sbr. 56. gr. og stöðvun markaðssetningar sbr. 57. og 58. gr.

Jafnframt er vakin athygli á því að samkvæmt gjaldskrá fyrir verkefni og þjónustu Umhverfisstofnunar nr. 535/2015 innheimtir stofnunin tímagjald vegna eftirfylgni eftirlits og beitingar þvingunarúrræða, sbr. 30 gr. gjaldskrárinnar. Komi ekki til frekari eftirfylgni eða beitingar þvingunarúrræða í þessu máli verður ekkert gjald innheimt.

Upplýsingar um flokkun, merkingu og umbúðir efna og efnablandna má finna á heimasíðu Umhverfisstofnunar<sup>1</sup>.

Fyrirtækinu er velkomið að leita til sérfræðings stofnunarinnar, Einar Oddssonar, til að fá nánari upplýsingar um skyldubundnar merkingar í síma 591 2000 eða í gegnum netfangið [ainar.oddsson@ust.is](mailto:ainar.oddsson@ust.is).

Virðingarfyllst,



Einar Oddsson  
Sérfræðingur



Isak Sigurjón Bragason  
Sérfræðingur

Meðfylgjandi: Eftirlitsskýrslur

<sup>1</sup> <https://ust.is/atvinnulif/efni/flokkun-og-merking/>